



Broj predmeta: 33-003762/25
Broj akta: 01.1-1619SM-0004/25
Datum, 16.10.2025. godine
Mjesto, Brčko

Na osnovu člana 10a. Zakona o pravnim licima koje osniva Brčko distriktu BiH („Službeni glasnik Brčko distrikta BiH“, broj: 4/25 – prečišćeni tekst i 27/25), gradonačelnik objavljuje

JAVNI KONKURS
ZA IZBOR KANDIDATA ZA IMENOVANJE ČLANOVA
UPRAVNOG ODBORA RAZVOJNO-GARANTNOG FONDA
BRČKO DISTRIKTA BiH

Javni konkurs se objavljuje za izbor kandidata za imenovanje pet članova Upravnog odbora Razvojno-garantnog fonda Brčko distrikta BiH.

Upravni odbor Razvojno-garantnog fonda Brčko distrikta BiH imenuje se na period od 4 godine, uz mogućnost ponovnog imenovanja, s tim da isti članovi ne mogu biti imenovani više od dva puta uzastopno. U Upravni odbor Razvojno-garantnog fonda Brčko distrikta BiH mogu biti imenovana najviše tri člana iz reda državnih i javnih službenika zaposlenih u organima javne uprave i institucijama Brčko distrikta BiH.

Nadležnost, prava, obaveze i odgovornosti Upravnog odbora utvrđeni su:

- Zakonom o pravnim licima koje osniva Brčko distriktu BiH („Službeni glasnik Brčko distrikta BiH“, broj: 4/25 – prečišćeni tekst i 27/25),
- Odlukom o osnivanju Razvojno-garantnog fonda Brčko distrikta BiH od 11. 6. 2021. godine (prečišćeni tekst) i 12. 6. 2024. godine,
- Statutom Razvojno-garantnog fonda Brčko distrikta BiH od 15. 8. 2024. godine.

Opći uslovi:

- a) da je državljanin BiH,
- b) da je punoljetan,
- c) da ima manje od 65 godina života,
- d) da nije obuhvaćen odredbom člana IX stav (1) Ustava BiH,
- e) da je zdravstveno sposoban,
- f) da nije pravosnažnom sudskom presudom osuđivan za vršenje krivičnih djela na kaznu zatvora u trajanju dužem od šest (6) mjeseci,
- g) da nije direktor drugih pravnih lica koje osniva Brčko distrikta BiH ili direktor javnog preduzeća,
- h) da nije u radnom odnosu u Razvojno-garantnom fondu Brčko distrikta BiH,
- i) da nije u upravnom odboru drugog pravnog lica koje osniva Brčko distrikt BiH ili javnog preduzeća.

Posebni uslovi:

- najmanje visoka stručna sprema (VSS) VII/1, koeficijent obrazovanja minimalno 240 ECTS bodova i
- najmanje pet godina radnog iskustva nakon sticanja visoke stručne spreme.

Kandidati koji su zainteresovani za imenovanje za člana Upravnog odbora podnose prijavu na Javni konkurs u koju su dužni unijeti tačne i istinite podatke, potpisati prijavu i dostaviti lično u zgradu Vlade Brčko distrikta BiH – Bulevar mira br. 1, šalter broj 6, najkasnije do **31. 10. 2025. godine do 15.00 sati**, a ako se prijava dostavlja putem pošte, šalje se na adresu: VLADA BRČKO DISTRIKTA BiH – Odjeljenje za stručne i administrativne poslove – Pododjeljenje za ljudske resurse – Bulevar mira br. 1.

Javni konkurs je otvoren od dana objavljivanja i traje do 31. 10. 2025. godine.

NAPOMENA: Komisija za izbor kandidata za imenovanje članova Upravnog odbora Razvojno-garantnog fonda Brčko distrikta BiH vršit će selekciju kandidata na osnovu podataka iz prijave te sačiniti izvještaj o odabiru kandidata i utvrditi termin intervjua. Kandidati koji do dana zatvaranja konkursa ispunjavaju uslove utvrđene javnim konkursom bit će obaviješteni o terminu i mjestu intervjua **ISKLUČIVO PUTEV SLUŽBENE INTERNET STRANICE** Vlade Brčko distrikta BiH (www.vlada.bdcentral.net).

Za diplome koje su stečene u inostranstvu nakon 6. 4. 1992. godine potrebna je nostrifikacija.

Potpisana prijava na Javni konkurs za izbor kandidata za imenovanje članova Upravnog odbora Razvojno-garantnog fonda Brčko distrikta BiH, ukoliko je pravovremeno podnesena važi samo za navedeni javni konkurs.

Nakon obavještenja Komisije za izbor kandidata za imenovanje članova Upravnog odbora Razvojno-garantnog fonda Brčko distrikta BiH, kandidati koji su utvrđeni kao najuspješniji dostavljaju dokumenta kojima dokazuju tačnost podataka kojim se potvrđuje ispunjavanje općih i posebnih uslova.

Obrazac prijave može se preuzeti na infopultu u zgradi Vlade Brčko distrikta BiH i na web stranici Vlade Brčko distrikta BiH (www.vlada.bdcentral.net).

Nepravovremeno prispjele prijave neće biti razmatrane.

Sve informacije u vezi s Javnim konkursom mogu se dobiti na tel. broj: 049 / 240-654.

Javni konkurs je objavljen na web stranici Vlade Brčko distrikta BiH (www.vlada.bdcentral.net), na oglasnoj ploči Vlade Brčko distrikta BiH i web stranici Razvojno-garantnog fonda Brčko distrikta BiH (www.rgfbd.com)

GRADONAČELNIK
Mr. sc. Siniša Milić

